



Universitätsbibliothek Paderborn

**Sapientissima Dei Mvndvm Regentis Gvbernatio; Ex qua
pendent, quæ vulgò in Casv, Fortvna, Fato, Esse Pvtantvr**

Stengel, Georg

Ingolstadii, 1645

Capvt. IX. A. Fortuna excæcatis oculos aperiri, si velint considerare, quid
futura, quid præsens ferat felicitas.

[urn:nbn:de:hbz:466:1-52314](https://nbn-resolving.de/urn:nbn:de:hbz:466:1-52314)

gricola verò , non ita , sed lætabitur tempesta-
tem cernens: non enim præsentia respicit, sed fu-
tura expectat : non respicit ad fulmina , sed ma-
nipulos computat : non marcescentia semina ,
sed vernantes spicas , non grauem imbre , sed
incundissimam areæ ventilationem. Itidem &
nos , non præsentem spectemus laborem , sed ori-
entem ex ea utilitatem, & ex eo nascentem fru-
ctum. Labor arrha est , cælum corona. Ita,
teste Blosio , S: Gertrudis diuinitus intellectus ,
quod , quemadmodum annulus est signum de-
sponsationis , ita aduersitas tam corporalis , quam
spiritualis humiliter propter Deum tolerata , est
verissimum signum diuinæ electionis , & quasi
desponsatio animæ cum Deo: instantum , ut gra-
natus quisq; confidenter dicere posset hæc verba :
A N N V L O S V O S V B A R R H A-
V I T M E D O M I N V S M E V S I E-
S V S C H R I S T V S .

Lud. Blo-
sio in
Monili
spit. c. 10.

CAPVT IX.

A Fortuna excæcatis oculos aperiri , si
velint considerare , quid futura ,
quid præsens ferat felicitas.

§. I.

Futuram , in celo , felicitatem præsenti longè
anteponendam.

N 3

PA-

S. Augu-
stin.
epist. 5. ad
Marcel.
Im.

S. Augu-
stin. in
Psal. 101.

Paradoxum videri potest, si quis dicat, neminem felice esse infeliciorem, & infelice nullum feliciorem, si Fortunam ferre non oportet sed profecto oraculum est, iam olim à D. Augustino, his verbis prolatum: *Nihil est infelicius felicitate peccantium, qua penalis nutritur impunitas;* & *mala voluntas, velut hostis interior, nutritur.* Quin & infelicem, in hac vita, felicem esse, haud inuiti fatebimur, si quæ huc usq; differuimus, serio expendere velimus, & præsentia placeat cum futuris in trutinam mittere. *Christiani non simus,* ait S. Augustinus, *nisi propter futurum seculum.* Nem præsentia bona speret. Nemo sibi promittat felicitatem Mundi, quia Christianus est: sed vatur felicitate præsenti, ut potest. *Quo modo potest? quando potest? cum adest, consolationi Dei gratias agat;* ubiq; sit gratus, nusquam sit ingratus: & patri consolanti, & blandienti, & patri emendantri, & flagellanti, & disciplinandi gratus sit. *Amat enim ille semper, sine blandiatur, sine minetur.* Sed magis amat, cui maiorem destinat felicitatem. Quæ ergo maior sit felicitas, eodem Augustino iudice, decidatur: immo ipsa utraque felicitas decidat, dum se seipsum, quid sit, declarat.

Nam,

Nam , licet infiniti ad finitum nulla sit pro-
portion, atque idcirco æterna beatitudo cum
hius vitæ fluxa voluptate, non secus atq;
Oceanus cum riuulo , immo longè dissimi-
lili: comparetur; humanis tamen affectibus
ita ronnulloꝝ mentes excæcantur, vt præ-
sentis vitæ delectatio , non solùm maior ,
quam reipsa est , sed etiam futuris æternis
gaudij anteferenda videatur: quemadmo-
dum etiam furiosis & ebrijs omnia duplia La&tant:
apparent. Nec tantum hoc ebrijs aut insanis lib. de O-
accidit , sed etiam sanis ac sobrijs , ait Lactan- pisi. Dei.
tius. Nam si aliquid nimis prope admoueas , cap. 9.
duplex videbitur. Certum est enim interual-
lum ac spaciunꝝ , quo acies oculorum coit. Item
si retrorsum auoces animum , quasi ad cogitan-
dum & intentionem mentis relaxes ; cum aci-
es oculi utriusq; deducitur , tunc singuli videre
incipiunt separatim. Si animum rursus inten-
deris , aciemq; direxeris ; coit in unum , quid-
quid duplex videbatur. Quid ergo mirum , si
mens veneno ac potentia vini dissoluta , dirigere
se non potest ad videndum , sicut nec pedes qui-
dem ad ambulandum , neruis stupescientibus de-
biles? aut si vis furoris in cerebrum sauiens , con-
cordiam disiungit oculorum ? Hoc idem acci-
dit illis , quos non iam Circe , sed Babylonia

meretrix , suo poculo inebriat , dementat
illecebrisque ad insaniā redigit. Nimis pro-
pe admouent sensuum delectamenta ; nimis
inhiant voluptati : neque, animo retrorsum
auocato , possunt recte inspicere , quid Fa-
tuna ridens secum ferat insidiarum ac mle-
riarum. De his dictum est : *Palpabunt quasi*

Iob. 12. *in tenebris , & non in luce , & errare eos faciet,*
25. *quasi ebrios.* Ad hos dictum est : *Experiisci-*

Ioel. 1. 4. *mini ebrij , & flete , & ululate omnes , cui bi-*

Psal. 33. 9. *bitis vinum in dulcedine. Venite , gustate & vi-
dete , quoniam suavis est Dominus: beatus vir ,
qui sperat in eo.*

§. II.

Quanta sit futura Beatorum felicitas?

Gustum nobis præbet maioris volunta-
tis , D. Augustinus , vt dixi , cuius hæc sunt.

S. Augu-
stin. lib.
22. de Ci-
uit. c. 30. *Quanta erit felicitas , ubi nullum erit malum ,
nullum latebit bonum , vacabitur Dei laudibus ,
qui erit omnia in omnibus. Nam quid agetur ,
ubi , neq; vlla desidia cessabitur , neq; vlla indi-
gentia laborabitur , nescio. Admoneor etiam san-
cto cantico , ubi lego , vel audio. Beati , qui ha-
bitant in domo tua , Domine , in secula secu-
culorum laudabunt te. Omnia membra , & vis-
cera incorruptibilis corporis , quæ nunc videmus ,
per usus necessitatis varios , distributa , quoni-*

am

am tunc non erit ipsa necessitas , sed plena , cer-
ta , sempiterna felicitas , proficiens in Dei laudi-
bus . Omnes quippe illi , de quibus locutus sum ,
qui nunc latent harmonia corporalis numeri ,
non latebunt intrinsecus & extrinsecus , per cor-
poris cuncta dispositi , & cum ceteris rebus , que
ibi magis mirabiles videbuntur , rationales men-
tes in tanti artificis laudem rationabilis pulchri-
tudinis delectatione succedent . Qui motus illic
talium corporum sint futuri , temere definire
non audeo , quod excoigitare non valeo . Tamen
& motus , & status , sicut ipsa species decens erit ,
quicunq; erit , ubi nihil , quod non decebit , erit .
Certe , ubi volet spiritus , ibi erit protinus cor-
pus : nec volet aliquid spiritus , quod nec spiritum
possit decere , nec corpus . Vera ibi gloria erit ,
ubi laudantis , nec errore quisquam , nec adu-
latione laudabitur . Verus honor , qui nulli ne-
gabitus digno , nulli deferetur indigno ; sed nec
ad eum ambiet ullus indignus , ubi nullus per-
mittetur esse , nisi dignus . Vera pax ibi est , ubi
nihil aduersi , nec a seipso , nec ab alio quisquam
patietur . Præmium virtutis erit ipse , qui vir-
tutem dedit , & qui seipsum , quo melius , aut
maiis nihil possit esse , promisit . Quid est enim
aliud , quod per Prophetam dixit : Ero illorum
Deus , & ipsi erunt mihi plebs : nisi , Ego ero ,

N s

unde

unde satientur: ego era, quidquid ab omnibus honeste desideratur, & vita, & salus, & vi-
etas, & copia, & honor, & pax, & omnia bona. Sic enim & illud recte intelligitur, quod
ait Apostolus. Ut sit Deus omnia in omnibus. I-
pse finis desideriorum nostrorum qui sine fine vi-
debitur, sine fastidio amabitur, sine fatigatio-
ne laudabitur. Hoc munus, hic affectus, hic
actus profecto erit omnibus, sicut ipsa vita ater-
na, communis. Ceterum, qui futuri sunt, pro
meritis præriorum, etiam gradus honorum aeg-
gloriarum, quis est idoneus cogitare, quanto
magis dicere? Quod tamen futuri sunt, non est
ambigendum. Atqui etiam illa beata ciuitas
magnum in se bonum videbit, quod nulli supe-
riori ullus inferior inuidet: sicut nunc non in-
uident Archangelis Angeli ceteri: tanquam no-
lit esse unusquisq;, quod non accepit; quamuis
sit pacatissimo concordia vinculo ei, qui accepit,
obstrictus; sicut nec incorpore vult oculus esse,
qui est digitus, cum membrum utrumq; conti-
neat totius carnis pacata compago. Sic itaque
habebit donum alius alio minus, ut hoc quoq;
donum habeat, ne velit amplius. Hæc est alte-
rius vitæ felicitas, vel umbra potius felici-
tatis. Nam quidquid nunc videmus, per spe-
culum videmus & in enigmate duntaxat, si-
qui-

1. Cor. 13.
32.

quidem oculus non vidit, nec auris audivit, nec
in cor hominis ascendit, quæ preparauit Deus
ijs, qui diligunt illum. Ex his talibus princi-
pijs, facit hanc deductionem idem S. Pater.

*Nihil nos terreat mundi infelicitas. Quia si i-
stam infelicitatem mundanam Sancti DEI om-
nes timuissent, perpetuam felicitatem non ha-
berent. Si felicitas huius mundi transitoria di-
ligitur hic, perpetua non inuenitur. Ad perpe-
tuam felicitatem tendamus, ubi patriam &
parentes habemus, patientissime omnia huius
mundi mala, pro Christi nomine, toleremus.
Quid est, quod toleretur, contra illud, quod no-
bis promittitur? Apostolus inquit, non sunt con-
digne passiones huius temporis, ad futuram glo-
riam, quæ reuelabitur, in nobis. Nulla ergo
nos terreat pressura, nulla calamitas frangat.*

§. III.

*Quantilla sit Mundi huius felicitas; immo
quam infelix?*

Intueamur nunc etiam, quæ sit huius vi-
tæ Fortuna, quæ felicitas? ex eiusdem Pa-
tris sententia. Primum, temporales res nemini
conferunt veram felicitatem, quia non exi-
munt insatiabilem cupiditatem. *Qui enim bibe-*
rit ex hac aqua, fit et iterū. Secundo. Nun-
quam debet secura esse felicitas: quia pericu-

I. Cor. 2.
9.

S. Au-
gust de
Saluta-
rib.docu-
ment.
cap. 56.

Idem in
Psal. 109,
Idem lib.
de vera
innocēt.
c. 199.

fie-

siora sunt animo secura , quam corpori aduersa .
 Prius enim corrumpunt prospera , ut inueniant
 aduersa quem frangant . Tertio , quia non co-
 limus Deum , ut hic felicitatem habeamus . Quan-
 ti illam habent , quia non colunt Deum ? Ut hic
 senescamus , & decrepiti efficiamur ? Quanti
 senscunt blasphematores Dei ? Nec ideo colen-
 dus est Deus , ut cultores illius habeant filios , &
 non sint steriles . Filios enim Deus & onagris &
 serpentibus dat . Non ergo pro magno & verbo
 no petendum est , quod & Iudeis , & Paganis ,
 & hereticis , etiam & ipsis bestiis datur . Au-
 rum enim & argentum , & honores , & filios ,
 & patrimonia multi habent etiam mali . Quar-
 to quia non permittit Deus malos esse felices ,
 sed ideo malus felix putatur : quia quid sit feli-
 citas , ignoratur . Vnde , si idem est felicitas ,
 quod Fotuna , ignorans fuit Lucanus , qui
 dixit : Seruat multos Fortuna nocentes . Non
 Fortuna illa fuit , sed infortunium . Quid ita ?
 Quia felix vocatur quisq; quando , quod amat ,
 habere videtur . Vere autem felix est , non si ha-
 beat , quod amat , sed si id amet , quod aman-
 dum est . Multi enim miseri sunt magis haben-
 do , quod amant , quam carendo . Amando enim
 res noxias miseri sumus , habendo miseriores . Et
 propitius Deus , cum male amamus , negat ,
 quod

Et. 50.
homil.
hom. 10.

Idem
ferm. 26.
in Ioan.

Idem in
Psal. 26.

quod amamus: iratus autem dat amanti, quod male amat.

§. IV.

*Quale sit inter Fortunam & felicitatem huins
vitæ discriminus? & utramq; magis timen-
dam esse, quam ipsam mi-
seriam.*

Ac, ne erremus in vocabulo, apud stolidos, idem est felicitas, quod *Fortuna*; quæ differunt plurimum, apud sapientes. *Quia* *Fortuna* potest esse mala; felicitas autem si mala fuerit, felicitas non erit. Dicunt Philosophi, quod felicitas est, quam boni habent, præcedentibus meritis, *Fortuna* verò est, quæ dicitur bona, sine ullo examine meritorum, fortuitò accedit hominibus & bonis & malis, unde etiam *Fortuna* nominatur. *Quo modo ergo bona est,* quæ sine ullo indicio venit & ad bonos & ad malos, velut caca & in quoslibet irruens? Sed demus hoc vulgo, & *Fortunam* vocemus felicitatem; videamus autem, quænam illa sit, & quam præclara felicitas? & an non sit, præ illa verâ atq; sempiternâ meritò contemnenda? immo an non calamitas præoptanda? Siquidē ipsa, quæ in rebus humanis vocatur felicitas, plusest timenda, quam miseria. *Quandoquidem miseria plerumq; affert ex tri-
bula-*

S. Aug. b.
4. de ci-
uit. cap.
18.

S. Au-
gust. in
Psal. 68:

bilatione fructum bonum: felicitas autem corrumpt animum peruersa securitate, & dat locum diabolo tentatori. Sed hanc caussam, secundò iam loco, attigimus. Ad quam etiam pertinet, quod homines, ut ærumnis molliuntur; ita prosperitate fiant duriores. Vnde, quem in hac quæstione iudicem ele-

S. Au-
gust. in
Psalm. 124.

gimus, idē Augustinus iubet nos, non inten-
dere, in homines, qui prosperantur in hoc seculō
felicitate falsa atq; ventosa & prorsus seducto-
ria: ubi nihil aliud nutriunt, nisi superbiam, &
cor eorum congelascit aduersus Deum, & fit
durum aduersus imbre gratiæ ipsius, ne fru-
ctum ferat. Præsumentes enim, omnia sibi ab-
undare, quæ videntur huic vita necessaria, &
ultra quam necessaria. Et cum sint homines,
per iniquitatem, inferiores omnibus hominibus;
per superbiam, superiores se putant omnibus ho-
minibus. Atq; utinam, vel sicut alios homines
se esse deputarent.

§. V.

Fortuna humanae debilia fundamenta.

Quidnam igitur est felicitas illa seducto-
ria?, quid *Fortuna* tam bella, quæ, apud
mortales, adeò multūm valet, ut dicta sit
omnipotens? In primis copia diuitiarum: de-
inde magnitudo honoris; potentia; nomen
illu-

Illustre & clarum; corporis robusta valetudo; & quidquid optant humana vota. Quod ad diuitias attinet, finixerunt sanè Xenophon Atheniensis, & Callistonicus Thebanus *Fortuna* simulachrum Plutum infantem gremio gestantis. Atqui Plutum *Fortuna* pluribus ostentat, quam donat: alliciendo fascinat, non locupletat. Hinc *Fortuna*, apud Romanos, *Viscata* dicta, quod homines eminus captet; & adeò quidem, ut *Fortuna* aureæ effigies in cubiculis Principum olim poni solet, quæ ijsdem morientibus, in successorum manus traderetur. Sic enim de Antonino Pio moriente Iulius Capitonus scribit: *Tertia, die cum se granari videbat, M. Antonino Rempub. & filiam, praesentibus Praefectis, commendauit, Fortunamq; auream, quæ in Principum cubiculo poni solebat, transferri ad eum insit.* Et de Seuero Spartanus: *Fortunam regiam, quæ comitari Principe, & in cubiculis poni solebat, geminare statuerat, ut sacratissimum simulachrum utriq; relinqueret filiorum: sed cum videret, se perungeri, sub horam mortis dixisse fertur, ut alternis, apud filios Imperatores, in cubiculis poneatur.* Igitur seruabatur, *fortuna aurea*, in Imperatorum cubiculis, quasi regni fatum;

Pausan.
in Boeotia.

quasi

quasi Palladium quoddam, quasi Dea felicitatis: sed Dea inconstans, vaga, leuis.

§. VI.

Fortunæ inconstans cæcitas, & cæca in constantia.

Itaq;, sicut illa in cælo est æterna, ita hæc diaria est felicitas, & trallaticia; que in statua sua, aurea, reipsa vitrea est, cū splendet, frangitur. Quod testantur complures.

Tacitus Tacitus ait: *Nihil rerum mortalium tam instabile & fluxum est, quam potentia non suavixi.* adeò, vt *Fortunam citius reperias, quam retineas.* Adstipulatur Philo his verbis: *Nihil est, quod mortales tanto affectu desiderant, reipsa nihil: sed umbra, aut aura, antequam subsistat, prætercurrent.* Accedit, & recedit,

Phil. *Enripiis, & astibus maris similis.* Subscribit & **quod** Dio, quo teste, Seianus luculentum *Fortuna* ludibrium, *Fortunam* Serui Tullij, quā domi superstitionē habitam libationibus & sacrificijs colebat, repente vidit se auertentem, expertus postea, quod in imagine vidit

Senec. prius. Sed antè omnes, graphicè Seneca, *Omnia, inquit, ista, quæ vos tumidos, & supra humanæ elatos obliuisci cogunt nostræ fragilitatis, quæ ferreis claustris armati: quæ ex alieno sanguine raptæ vestra defenditis: propter quæ clas-*

lib. 6. de

Benefici-

is,

ses cruentaturas maria dederit : propter quæ
quassatis urbes, ignari quantum telorum in ad-
uersos Fortuna comparet : propter quæ, ruptis
toties affinitatis, amicitiae, collegij federibus, in-
ter contendentes duos, terrarum orbis elisus est.

Non sunt vestra, in depositi causa sunt ; iam
iāmq; ad alium dominum spectantia : aut ho-
stilis animi successor innadet. Sed audiamus
iterum iudicem Augustinū, cuius hæc sunt :

Non nos vel filios nostros felices diuitiæ terrene S. Aug. I.
faciunt : quæ nobis vincentibus amittendæ sunt ; *vel à quibus nescimus, vel fortè à quibus nolu-*
mus, possidendæ : Sed Deus felices facit, qui est
vera opulentia mentium. Verè Poëta :

Fortuna immeritos auget honoribus.

Fortuna innocuos cladibus afficit.

Iustos illa viros pauperie grauat,

Indignos eadem diuitijs beat.

§. VII.

*Quām misera, quāmq; periculosa sit in di-
uitijs felicitas ?*

Quænam ergo potest esse in diuitijs felici-
tas ? Acquiruntur, non sine cura ac labo-
re, & plerumque non sine scelere; possiden-
tur sæpius à malis, nec sine litibus & anxie-
tate ; amittuntur cum dolore. Parum hoc
esset, nisi etiam cum illis toties amitteretur

O feli-

S. Ambros. in tract. de secunda interpellat. Job.

felicitas sempiterna. Atque, ut infelix hæc felicitas tantò promtiùs spernatur, docet S. Ambrosius ideò pro vera haberi felicitate eam non posse, quia si non est scelerata, saltem facit sceleratos. *Oremus hic*, inquit, *potius laborem subire, ut in regno cælorum consolationem quietis aeternæ mereamur adipisci.* *Magna enim illecebra delinquendi est rerum affluentia secundarum.* *Supinat, extollit, obliuionem authoris infundit.* Considera illum diuitem in Euangeliō supra ostrum & purpuram recumbentem, cuius de mensa micas instus ille pauper Lazarus colligebat. Nonne videtur tibi diues ille ad Dominum dicere: ‘Discede à me, vias tuas scire nolo? Et verè noluit scire huius vias Domini. Si enim vellet, cognosceret. Sed quia plenæ sunt laboris, fugiuntur & declinantur à perditis. Quasi ebrius itaq; non recognoscit salutis authorem. Deinde conuersus ad compotores suos: Manducemus, inquit, & bibamus: quid prodest, si seruiamus? Aut qua utilitas, si obseruemus eum? Hæc itaq; dicit secularium rerum abundantia temulentus, quia in seculo continuo scelerum merito non rependuntur. Supinabatur enim, quia in manibus ei ad voluptatem omnia suppotebat, & conscius impietatis sua cuius pœna sequestrabatur, putabat,

bat, quod Deus impiorum scelera non videret.
Non autem Deus, sed ipse non videbat, à
cæco Pluto exoculatus.

§. VIII.

*A Monymo dinitias abijcere discunt, qui felici-
citer volunt sapere.*

Monymus, authore Laërtio, erat Corinthij cuiusdam Trapezitæ seruus: qui cum Philosophia amore teneretur, cuperetque maximè operam dare Diogeni, neq; tamen hoc ipsum à Domino posset precibus ullis impetrare, simulatâ insanâ, monetam cœpit spargere; eo modo dimissus, ad Philosophiam se conuertit, Diogenemque secutus est. Hunc modum tenent, qui veram sapientiam sectantur: pecunias abijciunt, omnia quæ possident, abdicant, ne vitijs irretiti à cælesti Philosophia retrahantur. Videntur quidem insanire, sed illis duntaxat, qui olim dicent: *nos insensati, vitam illorum* Sap. 5. *estimabamus insaniam, ecce quomodo compu-*
tatis sunt inter filios Dei. Tales filij fuere, quotquot, paupertatem amplexi, Benedicto, Bernardo, Francisco, Ignatio, aliisq; Sanctis, nudi omnibus diuinijs, nudum Christū sequi voluerunt; paupertate atq; inopia felices; qui abundantia & opibus miseri extitissent,

O 2

§. IX.

§. IX.

Amisionem magnarum opum magno animo ferre, qui opes ipsas magni non faciunt: exemplo Ioannis Eleemosynarij.

Verùm illi quoq; facilè iacturam bonorum suorum passi sunt, qui se *Fortuna* bonis ipsius *Fortuna* inconstantiā, immo Numinis prouidentia aut voluntate, priuatos intellecterunt. Tales fuere, ad quos Apostolus scribit: *Rapinam bonorum vestrorum, cum*

Hebr. 10. *gaudio suscepistis, cognoscentes vos habere meliorem & manentem substantiam.* Talis fuit **Surius 23.** **Ianuar.** S. Ioannes eleemosynarius Alexandriæ Episcopus. Tredecim Ecclesiæ Alexandrinae naues oneratae, in Adriatico mari, magno naufragio, omne onus, quod erat ter milie & trecentarum librarum auri, prodegerant: ipsæ inanes in Alexandriæ portum redierunt. Illi igitur, quibus nauium cura concredita fuerat, è portu, ad templum configuerunt, tanquam ad securitatis asylum. *Quod cum Patriarchæ relatum fuisset,* illico Numini, propter hoc quoque, gratias egit; deinde ad nautas & naucleros misit litteras remissionis, ea sola, qua Job dixit, dicens: *Dominus dedit, fratres, Dominus abstulit.* *Egredimini ergo, pro hoc nullum timentes*

peri-

periculum. Dominus enim erit solicitus de cra-
stino. Cum autem multi ex ciuib[us] venirent
ad eum consolandum, prior ipse eis dixit: Non
oportet vos, ô fratres, tristitia affici propter pe-
riculum nauium, cuius ipse solus sum causa.
Nisi enim magnos & elatos summissim[us] spiritus,
propter alienorum elargitionem, immo vero Deus
ipsius, hoc nequaquam accidisset. Volens itaq[ue]
Deus meum tumorem comprimere, permittit
hanc mihi accidere calamitatem. Est enim e-
leemosyna saepe causa superbiae ei, qui non aduer-
tit. Paupertas autem, sicut scriptum est, virum
reddit humilem Ego sum igitur causa duorum
malorum: unius quidem, quod mercede eleemo-
syna priuatus sum, propter vanam gloriam: al-
terius vero, quod propter eam procuraui amif-
sionem tantarum pecuniarum: & nunc ad me
attraho uniuersum iudicium animarum, qua
rediguntur ad angustias. Sed Deus, etiamsi non
propter me, sed propter curam, quam gerit eo-
rum, qui indigent, suppeditabit ea, quae sunt ad
usum necessaria. Illud enim: Non te dimit-
tam, neq[ue] te relinquam, ab eo dictum est. Fi-
delis autem est, qui promisit. Sic igit[ur], qui ve-
nerant, ad sanctum consolandum, ipse
sunt potius ab illo dimissi, accepta
consolatione.

§. X.

S. Bernardi amissionem bonorum, beneficij loco, habentis magnanimitus.

Sic æstimat, quisquis nouit æstimare fortunas. Ut autem & nos sic discamus æstimare, & Sanctis Deus facultates subduxit, & Sancti, facultatibus subductis, Deo gratias egerunt; neque alijs, sed sibimetipsis culpam attribuerunt; immò onere se leuatos arbitrati, res ablatas, beneficij loco censuerunt. *Bernardus Ciarenallensis Abbas, cum ducenta argenti pondo sibi ad impensas constrendi Monasterij missa, à grassatoribus intercepta fuisse audisset, gratias Deo egisse dicitur, quod magno se onere leuasset. Tam ergò modice tulit, argenti amissionem, ut eo grauari se putaret, si non amisset. Grauantur multi, sed onus amant, quo ad Infernum deprimuntur. Ne hili facerent, si flauam terræ glebam, aut candidum metallum cum cœlesti gloria conferrent: aut illud meminissent: *Divitiae si affluant, nolite cor apponere:* aut istud:*

*Non est tuum, fortuna, quod fecit tuum.
Dari bonum, quod potuit, auferri potest.*

§. XI.

Honoris ac dignitatum Fortunæ subiectarum vanitas.

Mul-

Psal. 61.

II.

Multò autē citiùs alterum Fortunæ bonum, Honor, & nomen bonum auferri potest. Pecunia manibus, fama linguis tollitur: ad illam rapiendam digiti debent esse præsentes: lingua & sermo etiam absentibus nocet; immo magis sœuit in eum, qui quia non audit, non defendit. Idcirkò & hīc rectè pronunciat, quem, supra, iudicem adduximus, ita enim ait: *Felicitas hominis pendere non debet ex hominum linguis. Nullus enim sapientum Philosophorum finem suarum actionum constituit in fama vulgi, aut in lingua hominum.* Prouidè ait: nullus sapientum Philosophorum. Nam stulti non pauci fuerunt, qui, nominis caussa, omnia facerent, omnia ferrent. An non enim Empedocles, vt immortalis factus videretur, morte occulata, in craterem ardentis AEtñæ insiluit, crepidis, seu baxeis proditus, quas vis flammaræ reiecit sub oculos eorum, qui amissum quæsivierunt? Nimirum egregia sapientia est, mori, ne mortalis videaris. Numa Pompilius, vt authoritatem sibi faceret, AEgeriæ Nymphæ mendacio superbiuit. Monyma Mithridatis vxor, in desperatione rerum profligatarum, ignominiæ impatiens, detractum è capite diadema collo circum-

S. Augu-
stin. epist.
56. ad Di-
oscoridē.

ligauit, seq; ipsam suspendit. Cum autem corporis pondere laqueus ille diruptus es-
set, dixit: *Execrandum diadema, neq; in tam
tristi ministerio mihi profuisti.* Moxque, cum
super illud humi abiectum insputasset, Eu-
nicho regio se se obtulit iugulandam. Quid
haec putauit, homines dicturos? fronti, non
gutturi factum esse, diadema, dixerunt;
longeque fortius acturam fuisse, si ignomi-
niā ferre, quam in se ipsa vindicare ma-
luisset. At illa quoque Fortunæ exemplum
fuit, in qua ostendit, vsque adeò paruum
discrimen inter laqueum & diadema esse, ut
hoc ipsum possit regibus, pro laqueo, ser-
uire. Quanti autem sint facienda, digni-
tas, potentia, honor, sapientes Philosophi, im-
mo ipsi etiam poëtæ sonantissimè docue-
runt. Horum vñus ita canit.

Seneca
in Aga-
menon,

*O regnorum magnis fallax
Fortuna bonis: in præcipiti
Dubiōq; nimis excelsa locas.
Nunquam placidam sceptr'a quietem,
Certumūe suitenuere diem.
Alia ex alijs cura fatigat.
Vexatq; animos noua tempestas.
Non sic Libycis Syrtibus aquor
Furit alter nos volnere fluctus:*

Non

*Non Euxini turget ab imis
Commota vadis unda nivali
Vicina polo, ubi cæruleis
Immunis aquis lucida versat
Planstra Bootes, ut præcipites
Regum casus Fortuna rotat.*

Sic Seneca canens. Seneca autem Philoſophans ita loquitur: *Rectum iter, quod serò cognoui, & lassus errando, alijs monstro. Clamo, vitate, quecumq; vulgo placent, que Cassus attribuit: ad omne fortuitum bonum, suspicioſi pauidiq; ſubſiſtite. Et fera, & pifcis, ſpe aliqua oblectante, decipitur. Munera iſta Fortune putatis? infidiaſe ſunt. Quisquis noſtrum tutam agere vitam volet, quantum plurimum potest, iſta viſcata beneficia deuitet. In quibus, hoc quoq; miſerrimi fallimur, quod habere noſ putamus, habemur (quo ſenſu etiam viridiuitiarum, non diuitiae virorum, in ſacris, vocantur) In præcipitia cursus iſte deducit. Huius eminentis vita exitus, cadere eſt. Deinde ne reſiſtere quidem licet, cum capi transuersos agere felicitas. Aut rectus ſta, aut ſemel fuge. Itaque sapienter alta vitat, qui non vult altè cadere: Quidquid in altum Fortune tulit, ruitura leuat. Hoc eſt Honor, hoc dignitas, hoc magnum nomen mortalium, omnium*

Senec.
lib. epift.
8.

Pſal. 79,
6.

Senec. in
Aga-
memnon.

linguis & petulantiae expositum: quod nul-
lae vnquam magnae mentes magni fecerunt.
De Constantino Magno D. Chrysostomus,
ex oratione Flauiani hec recitauit: *Fertur be-
atus Constantinus, effigie sua quandoq[ue] lapidata,
multis ipsum instigantibus ad supplicium de aueto-
ribus contumelia sumendū, & dicentibus, quod
omnem ipsius faciem saxis conuulnerārint: ma-
nu faciē palpans, & leuiter ridens, dixisse: Sed
sanū quidem caput, sana verò & facies tota. Illi
verò reueriti, & confusi, ab hoc iniquo destitē-
re consilio. Et hoc verbum hactenus canunt om-
nes: nec tantum temporis labefecit, aut huius
memoriam extinxit. Quot non sit hoc trophaeis
splendidius? Contempnit tantus Imperator
contumeliam, ostenditque, se non saucia-
tum in statua sua. Idem nos cogitemus, si
quis nomen nostrum verberat, quod æquè
extra nos est, atque statua nostra.*

§. XII.

*Sanitatem corporis eiuscmodi bonum esse, ut
subinde ei corporis infirmitas fuerit prælata,
ut in Egidio fuit videre, qui sagita
ictus noluit sanari.*

Proprius nos attingit bona corporis vale-
tudo, neque est in nostra potestate, sentire,
vel non sentire vim dolorisque morborum.

De

S. Chry-
st. hom.
20. ad
pop.

De hoc argumento alibi dicturus, in pauca
rem conferam. Philosophi quidem hanc
salubrem vitæ formam iubent teneri, *ut*
corpori tantum indulgeas, quantum bonæ va-
letudini satis est. Durius tamen censem tra-
ctandum, ne animo male pereat. Cogitant
enim in se, *præter animum, nihil esse mirabi-*
le, cui magno nihil magnū est, nisi solus Deus;
quoniam Deus magnus Dominus. Si ergo Deus Psal. 94. 3.
magnus voluerit, eos ægrotare; nec ipsam
morbis anteponunt sanitatem. Hæc sola
illis cauſſa ſufficit, Deum velle: quanquam
& aliæ ſuppetunt. Nam, cum corpus lan-
guet, animus viget: illo paciente, virtus a-
git; & carnis damnum, mentis est lucrum;
quæ nunquam est fortior contra volupta-
tes, quam cum homo ægrotat. *Cum infir-*
mor, tunc fortior sum, ait Apostolus. Hac
de cauſſa Platonici dicuntur philosophatu-
ri, in vallibus ac locis paludosis & insalu-
bribus, habituisse, ne, in luxuriante solo,
etiam animus luxurians ſapientiam repudi-
aret. Idem corporis frænum amârunt etiam
Christianè philofophantes. Egidium me- M. Ma-
morat Fulbertus Carnotensis, ad Rhodani rul. 1. 5. q.
ostia, vitam ſolitariam egisse, cui post lon- 4.
gum & quotidianum precandi, vigilandi,

ab-

z. Cor. 12. 0

abstinendique studium, aliud Deus cruciamentum superaddidit. Nam cum, inter silvas latens, Deū veneraretur supplex, sagitta, à venatoribus, in incertū missa, eum grauiter sauciauit. Accepto vulnere, non modò chirurgum aut medicinam corpori admittere noluit, sed etiam Dominū enixè rogauit, ne quando Iēsa caro sanaretur. Interpretabatur enim vulnus diuinitus inflictum, vulnus amoris; quod incuratū, corporis dolore, ab animo arceret voluptatis cogitationes.

§. XIII.

Sanitatem beneficium Dei esse: sed sepe maius beneficium esse, iacturam sanitatis: ut in in Audomaro patuit cæcitatē eligente.

Matth. 4.

23.

Circuibat quidem IESVS, sanans omnem languorem, & omnem infirmitatem in populo. Et abiit opinio eius in totam Syriam, & obtulerunt ei omnes male habentes, varijs languoribus, & tormentis comprehensos, & qui demonia habebant, & lunaticos, & paralitics, & curauit eos: & alij quidem eum adibant, alios autem ipse adibat: alij sibi, alij alijs sanitatē impenetrabant, vtique recte: multa tamen inuenti sunt, qui morbos sanitati prætulerunt; & surdi, quam audientes, cæci, quam videntes; claudi, quam ambulan-

Iāntes esse maluerūt. Sæpe enim multò satius est, surdum esse, quām audire id, quod est absurdum; præstat, in oculis ferre cæcitatem, quām vanitatem; consultius est, ad cælum claudicare, quām talaria inductare, & volare ad Infernum. Quæ & ipsa est doctrina Christi dicentis: *Si pes tuus scandalizat te, amputa illum: bonum est tibi claudum intrare in vitam eternam, quām duos pedes habentem mitti in gehennam ignis inextinguibilis.* Item: *si oculus tuus scandalizat te, ejice eum: bonum est tibi luscum introire in regnum Dei, quām duos oculos habentem mitti in gehennam ignis.* Quod ita cum alij multi viri præstantes, tum etiam Audomarus egregiè heroicèque sensit. Transferebatur, Attrebat, ab Auberto Episcopo corpus S. Vedasti. Aderat tunc, cum alijs, etiam Audomarus Teruanensis Episcopus, præ senio, cæcus. Hic, tum præsentium Episcoporum precibus, tum S. Vedasti meritis, recepit usum oculorum, rem vtique alijs speratissimam. At ille longè iudicauit secius. Etenim agrè ferens, se liberatum esse à cæcitate, quam pro salute sua sibi à Deo immisum esse gaudebat, rursus ad votum suum excecatus est. Adeò non magni fecit hoc

Marcij 9.

44.

Sigeberti
in Chron.
An. Dō.

658.

cor-

corporis damnū , vt etiam in votis haberet
§. XIV.

*Cur Pigmenius sibi de cæcitate sit gratulatus?
& quam alij cæcitatis suæ possint habere
consolationem?*

Sabellic.
lib. 5. c. 7.

Magnæ sunt vtilitates oculorum, iucunditas excellens ; si tamen his hominem priuet Deus , solatio est , spes rerum longè iucundiorum , in cælo, videndarum; præterquam , quod quædam inuisa non posse videri, sit quædam voluptas. Pigmenius Romanus presbyter , vel idcirco, se oculis captum , æquo animo ferebat , ne quando illi Christianæ Ecclesiæ inimicos aspicere contingent. Quod cum non ignoraret Iulianus Apostata Imperator , obuiam illi fact⁹ per ludibrium , & magna ioci acerbitate illi dixit : *Gratias ago Dijs , ô Pigmeni , quod te video.* Cui ille respondit: *Gratias ago Deo meo , quod te non video.* Tam igitur fortis animo cæcitatem pertulit , quam tyrannum contempsit. Dehinc Martyrij corona donatus videare cœpit , quæ oculus non vidit ; & audire , quæ auris non audiuit , & intelligere , quæ in cor hominis non ascenderunt. Verum quid mirum est , si potuit patienter ferre oculorum noctem , qui adeò fortiter mortem ipsam

psam tolerauit? Animus Deo coniunctus corporis mōrbos non recusat, si martyria ipsa optat: quin, etiam in ipsis morbis, reperit suas vtilitates, commodāque videt, in ipsa cæcitate. *Oculos perdidī*, inquit ille, cui responsum est: *Quam multis cupiditatibus via incisa est, quam multis rebus carebis, quas ne videres, erudiendi erant. Non intel-* Senec*i*
lib. de
remed. *Fortunæ.* *ligis, partem innocentia cæcitatem esse? Huic oculi adulterium monstrant, huic incæstum, huic domum, quam concupiscat, huic urbem & mala omnia. Certè oculi irritamenta sunt vitiorum, & scelerum duces. Quæ non sunt accipienda in vituperium Conditoris, cuius admirabile & preciosum op⁹ est oculus; sed ab illis in solatium considerantur, qui infirmitate aut cæcitate oculorum capti, non cæcam Deam id fecisse queruntur; sed ab eodem benefactore vero Deo alijs agnoscunt oculos claudi, alijs aperiri. Paria possunt de alijs quoq; corporum malis cogitari, paria de omni Fortunæ plaga, cuius immortale exemplum in S. Eustachio eiusque omni familia; & recentius, in Sosa, eiusque generosa coniuge & toto comitatu, terra marique iactato, historici memo- rauerunt.*

§. XV.

§, XV.

Ubi vera queri debeat felicitas?

Senec.
lib. 1. c.
pist. 21.

S. Aug.
l. 2. de
Verbis
Dō. lerm.
39.

Quorum omnium inconstantissima felicitas, & toties rediens calamitas palam pronunciat, non in hac vita, sed alibi querendam esse veram felicitatem. *Magna na hec esse existimas*, ait Philosophus, *qua relicturus es: & cum proposuisti tibi illam securitatem, ad quam transiturus es, retinet te huius vitæ, à qua recessurus es, fulgor, tanquam in sordida & obscura casurum.* Erras, Lucili; ex hac vita ad illam ascenditur. *Quod interest inter splendorem & lucem, cum hac certam originem habeat, ac suam, ille niteat alieno: hoc inter hanc vitam & illam.* Hæc quia fulgor extrinsecus veniente percussa est, crassam illistim umbram faciet, quisquis obstiterit: illa vero suo lumine illustris est. Nequit ergo obscurari. Verè ille ipsa Fortuna cæcior est, qui splendorem luci anteponit; fugit enim lucem, vt diem vespertiliones, qui noctu in gladij fulgorem incurunt. Fallit fulgor, lux ostendit, quod verum est bonum. Et, iudice Augustino, *ideò Deus felicitatibus terrenis amaritudines miscet, ut alia queratur felicitas, cuius dulcedo non fallat.*

CA.